

حزينه الروح من بعدك تراها
وعاينه الشمر بين امي تراها
يريتك حاطر وعينك تراها
الفواطم لليسر راحت سبويه

بيدي الدمع والنوح. ...وي جية اهلالك
شيصبر المجروح من يذكر اعيالك

اريد انصب يبن حيدر منا حاي
وعكبك اصبحت ميت منا حاي
ولا يغفه وغفل جفني منا حاي
لأن شخصك صبح حدر الوطيه

هلال الحزن عاشور. ..بي ذكرياتي
فاركت انة جم نور ... بي ذكرياتي
بدمعة وقلب مجبور ...بي ذكرياتي
حالت عليه دهور بي ذكرياتي

يخويه الليل يمشي مايتاني
وانه العطشان وانظر مايتاني
واذاطلعت شمس باجر مايتاني
كبل ماتمسي المسيه
على مصابك دم الليلة ... يهل كون

ويريت اللي سبو زينب .. يهل كون
سواده وصبح مظلم ... يهل كون
الكرم غاب وغابت الدنيا عليه

اذا راد لله موتي مندمانه
وتفيض الكاع باجر مندمانه
واظل بلعره مجندل مندمانه
وتروحين يازينب سبـيه

على الشامت صبح يصعب ... وضعة
واحنة تهنة اخلاف عينك ... وضعة
عكبكم ياهو البكة الخدري.. وضعة
مشيتو وبكيت انة سبية

رحيلك بالصدر نبلة ... تركباه
وخيول العدة الصدرك ... تركباه
اشلون اخيتكم ضعنه ... تركباه
غرب كدامه اشهل الرزية

انه اخوية كصدت نحرك . وشماتة
وسياط الشمر متني .. وشماتة
انه فوك الهم ايتامك ... والشماتة
تناشدني يخوية اشظل الية
فكدت العقل تاه وشت مني
وخصم حسين عمدا شتمني
وحاجي الروح هودي شهتمني
بعد ماضن جفيلي يعود اليه

يحلم العمر بالعيد .. يمناي
على ونتي عزف مجروح.. يمناي
دون ايمينك كون انقطع .. يمناي
ودون عيونك كون السهم بية

يخويه اعليك اون بليل ونهار
وعفاني مااجن يحسين ونهار
جفت من طحت غدران ونهار
جيه ظامي تمت بين الزجيه

انه بية الموت طالب.. وداعة
والضعن يمج يزيب.. وداعة
اشكد صعب يومج يخوية.. وداعة
انهدم حيلي ياخيتي بهل المسية

ماريدة عني يروح...بي أذكر خيالك
شيصبر المجروح... من يذكر اعيالك

لاتسد بابك عليه
بداعت سواف رقيه
انه كل يوم الضريحك
روحي تاخذني من ادبه